



KI TE: MAMALU O TAGATA TOKELAU EI SAMOA KUA AGAVAKA KE PALOTA

MAIA: OFIHA FAIGAPALOTA O TOKELAU

MATAKUPU: AHO MO NA FAIGAPALOTA A TOKELAU – AHO TOFI, 26 IANUALI 2023

Malo ni.

Ko te pepa tenei e fakailoa atu ai ki mamalu o tagata Tokelau i luga o Samoa e agavaka ke palota e venei:

1. Kua fakamautū ite fonotaga a te mamalu o te Malo Fakaauau ite aho Lua, 20 Tehema 2022, fakatahi ma te lagolago a na mamalu o na Taupulega ke fakataunuku na faigapalota atunuku a Tokelau ite aho **Tofi, 26th Ianuali 2022**.
2. E tuha ai ma te Vaega 7. *Fakamalohia ke Lehitala ma Palota* o te Tulafono Faigapalota Atunuku a Tokelau 2022, e fakailoa atu ki te koulua mamalu e fakamalohia mo na tino uma kua mafai ke kavea ma tino palota i luga o Tokelau pe ko Samoa ke lehitala ma palota.
3. Fakamolemole fakafehokotaki mai ia **Tony Koro** ma/pe ko **Celine Iose** ite fogāfale i luga o te Ofiha o Tokelau ke fakatino ai tau lehitala. Hau ma kaumai to tuhi malaga, laihene kave tavale, pe ko he tahi ID mo te fakatinoga o tau lehitala.
4. Ke matau e tapunia aloakia na lehitala ite aho Tofi, 12 Ianuali 2023 ma e he toe mafai koe ke lehitala i tua mai o te aho kua takua atu.
5. Kafai e he mautinoa pe agavaka koe ke palota, fakamolemole oi tagaki ifo ki na taki e takua atu i lalo:

9. Kilatou e mafai ke kavea ma tino palota

Ko he tino e mafai ke kavea ma tino palota kafai kua lehitala ke palota ma ite aho 31 Tehema ote tauhaga i mua ote faigāpalota tena ko te tino tena: -

- (a) *ko he tagatanuku Tokelau ma e hē i lalo ifo ote 18 tauhaga te matua; ma*
 - (i) *he tino e nofo i Tokelau, ma nae i luga o Tokelau mo he mataloa e hē i lalo ifo o te 18o aho ite 12 mahina i mua ote faigāpalota; pe*
 - (ii) *he tino e nofo i Tokelau, ite 3 tauhaga i mua ote faigāpalota nae i fafo o Tokelau oiote mo ni mafuaaga tatau fakateola malolo, pe akoakoga, fakateaganuku pe ni mafuaaga tau te kaiga; pe*

(iii) he tino nae nofo i Tokelau ke pa lava ki te taimi na kavea ai ko he tagata faigaluega e galue ite Ofiha Fehokotakiga Tokelau ma Apia, pe ko he kaiga pili ote tino faigaluega e nonofo fakatahi ma te tino faigaluega tena.

(iv) e tuha lava pe na nofo i Tokelau, ko he tino e faigaluega ite Ofiha Fehokotakiga Tokelau ma Apia ma kua faigaluega ite ofiha tena mo he piliota e hē i lalo ifo o te tauhaga e fokotahi ki mua o te faigāpalota.

PE

(b) he tino e hē ko he tagatanuku Tokelau ma e hē i lalo ifo ite 18 tauhaga te matua; ma

(i) e fakaipoipo ki he tagatanuku Tokelau; ma

(ii) kua nofo i Tokelau mo he mataloa e hē i lalo ifo ote 2 tauhaga i mua ote faigāpalota, pe iei hona pemita nofo tumau i Tokelau, pe nofo ma te tino faigaluega e apalai ki ei te Tulafono 9(a)(iii).

Mo ni ietahi fakamatalaga, fakamolemole oi fakafehokotaki mai te Ofiha Fakauluuluga mo Faigapalota ite fogāfale i luga o te tatou Ofiha nei.

Ma te fakaaloalo lahi



Kele Lui

Ofiha Fakauluuluga mo Faigapalota

OFIHA O TE MALO FAKAAUAU O TOKELAU